

樊山判牘

樊山判牘卷二

批曹彥稟詞

稟及碑文閱悉據稱王莊臨田維心異殮埋標記招屬認領由等情查光緒十六年臘月王莊臨等稟請各村路斃尸骸由紳耆驗明鎮窮民絡繹病斃甚多逐免具報驗以期官民兩便云云經焦前任親筆批准在案查向例凡有路獨於十六年冬陡添無窮該地主投明鄉約報官請驗驗明無異殮埋標記招屬認領由官詳報立約專歸紳耆視驗該鎮辦擅呈免報免驗荒謬已極據稱新築鎮窮民絡繹病斃甚多逐一必報誠且查閱碑記首一行竟將為荒謬該鎮地當孔道自古已然何獨於十六年冬陡添無窮餓斃該鎮何居是坐縣官以木偶之何以不聞日日報驗且稟中不提保約專歸紳耆視驗該鎮辦公老者無逾莊臨是明明以縣主自居每驗一屍不知地主如何受累而且查閱碑記首一行竟將路斃并斃朦混並列夫投井身死豈能與路斃同科莊臨一概不報其意何居是坐縣官以木偶之名而假該紳以訛索之柄兩年以來不知訛錢多少該生等延至今日始行稟控何其遲也王莊臨田維心現因小押當一案控准喚究俟到案之日併案究懲勿庸另稟添累此飭

批陳銘楊稟詞

劉樹張烏本縣軍犯而又重利剝民欺辱學校本縣恨之甚深至王莊臨年老力衰縱使平日聲名不佳本縣亦何必窮究因學校中兩次指控且有私碑刊記凡路斃并斃者皆不報官相驗由若輩看視掩埋似此荒唐身任地方者豈能置之不問本縣嫉惡素嚴業已批飭嚴究今該生等以紳衿

被責體面攸關懇請處息前來足見桑梓敬恭顧全大局本縣深為嘉悅但息訟最要持平不宜顛預姑息張鳥等所開之小押當著即日停閉另尋生活仍與余秀才叩頭賠禮王莊臨田維心所刊碑記即時仆毀嗣後遇有路斃并斃由約隨時報官請驗如敢仍前匿報一經查出照例嚴懲從前稟批付之爐火以掩官紳而失之羞該生等照諭遵行取結呈案本縣自當照准如稍徇庇本縣執法如山不能貸也知之

批蔣善訓稟詞

該生手足情深稟詞肫摯惟爾兄蔣善述賣油一事實屬咎由自取當十四年年底分夥以後鄭姓欠項何以不早為歸結負此有累之債年復一年畢竟是何居心至稱兩次歸款伊故不收即當憑中言明伊既有意拖延應請從此止利伊如不講情理亦可控官了結今於事後聲稱還錢不要其誰信之以理而論十四年分夥後油歸蔣賣帳歸蔣收債歸蔣還利歸蔣認天公地道無可說辭昨日爾兄當堂懇取鋪保即日清償而鄭姓猶復斷斷相向今該生又復懇免鋪保在本縣何所不容惟帳債之事以了結為痛快以持出錢為實際空口空話勢必債主不依不依而至於覆控在本縣固結如不結在爾等亦了仍不了如此酷熱何苦過堂受累况邢生讓被爾兄揪毆成傷開單在卷昨僅判令還債未予責儆者皆因其弟明白曉事倒蔭其兄之故不然爾試打聽欠債不還動手打人者本縣堂前有能逃答責者乎今據懇稱臘月算帳至次年九月爾兄始收到油票此九月利錢姑准豁免仍著爾兄取具鋪保尅日交清如被鄭姓覆控定當責押比追不貸

批余藻稟詞



現據陳銘揚等稟稱小押當俱已停開碑已仆毀等語懇請息銷前來核與爾等稟詞大相徑庭查爾等所爭僅此兩事至軍犯張烏劉樹磕頭與否本屬無足重輕此案已經批准處息本縣不忍深究並非姑息奸猾實恐學校相殘爾等宜體此心其年老者恕其暮景無多具有罪者付之無足深論若輩經本縣連篇斤責諒亦不敢再肆貪橫至陳銘楊係縣中正紳前在里局辦公妥慎爾等亦不宜一概指摘此等小事亦不值如此聚訟仰余落曹彥來案由本縣發給封條諭帖爾等持往該鎮將小押當即日封帖以後只准取贖不准再當並仰爾等同赴城隍廟查看王蔭臨等所立之碑是否已經仆毀如尚未毀即由爾等喚同保約立時搥碎並將殘碑拾取一二塊來縣呈驗以憑銷案可也

批陳銘楊稟詞

邑中所貴有正紳者為其能息事也該職為本縣素所信任今果處事公平深堪嘉尚至於學校新進負氣好勝往往有之老輩大度包涵便省却無窮閒氣渠等既是讀書人資質又非魯鈍俟其閱歷漸深自然悔悟該職不必與較亦不必自愧准即銷案可也

批崔樹椿稟詞

師生賓主以義合者也合則留不合則去一定之理也爾在廟坡頭李隆家中諫讀忙前回家忙後赴館李隆以來遲辭爾究竟爾何日回家何日赴館中間耽誤幾時一味含糊不吐必係曠館太久以致東家說話斯文交易對質公庭有何體面候飭差協約查明理處具覆勿得率責自砸飯碗切切

批徐應山呈詞

俗語云好人難做此之謂也張永興等該閭八錢文著爾勉保過期不償爾克借錢墊交不足則益爾妻之衣物天下還己身之債者尚未必如此奮勇爾不過作保而已即不墊還亦有何礙乃竟割肉餵鷹捨身喂虎以致爾妻氣憤吞煙而張趙二人不知慚感反行避匿此皆爾做好人做得太無分寸之過亦恐其中另有情節姑候喚案察訊

批鄭義聚呈詞

此案斷結以後復據蔣善訓懇稱十四年臘月算帳油歸蔣姓自賣而油票實於次年九月付給懇祈酌減利銀等語本縣思此等錢債細事構訟兩月幸而結案各自還錢真是爾之運氣不然欠債不還押比不出者各縣管班之中疊疊皆是爾又將如之何是以本縣前次明示酌減暗寓督催准其免交九月之利果然不出半月如數交清核具交案之數共銀八十四兩八錢三分錢二百四十七串四百為數實屬甚鉅而本縣所免九月利息不過銀五兩有零對半錢二十八串而已語云多得不如少得少得不如現得今爾所少者無幾而所得甚為痛快猶復不知止足輒以違斷恃強具控爾豈不知此九月利銀乃本縣親筆酌減者耶蔣姓正是違斷何謂違斷如數還償何謂恃強爾等買賣人銀錢今日到手明日即可生利若遲還二三月或推緩一年半爾之折耗豈止銀五兩錢二十八串耶仰即將欠約交案銀錢照數具領勿得受人唆使纏訟不休自貽咎累再此次呈詞大似瞿先登所為果有此情該生可謂糊塗胆大矣經此番明白批示以後倘再抗違併提責究不貸

批王立順呈詞

爾弟王和順黑夜擡門圖姦馬劉氏未成扭傷該氏八月身孕前經堂訊鄉約傅正及同院居住之任關氏質證屬實登責示儆取具辜限併令出錢醫治孕婦嗣因馬德福控稱其妻受傷小產飭驗屬實復將王和順傳案管押爾以案內無名之人出頭妄訴胆敢聲稱取具辜限應在墮胎以後夫辜限但論其傷不傷不問其產不產且劉氏胎動命懸焉能不取保辜若必取之於墮胎以後則凡非孕婦而受傷者皆不當具辜限耶如此胆大糊塗實屬罕見本應提案重責姑念減刑之時免其深究著即閉口縮頭勿再討打仍仰原差查明馬劉氏是否產後身愈坐車搬家限本日明白稟覆候奪

批陳建功呈詞

稟及契紙閱悉此案於光緒九年八月爾兄陳建業以偷賣平墳等情控麻德林等到案數經集訊據麻德林供稱為陳家看墳並佃種墳地三十餘畝每年租麥二石同治八年陳姓回籍時將掃墓收租之事概託表親孔姓照管書有清單存據歷年地租俱交孔姓等語是孔姓乃此案要證而前任連過數堂並不傳孔姓質證亦未吊清單查閱但令麻姓幫建業盤川二十串歸取紅契以此了案已屬稀希爾既因平墳毀業重情特意回家取契作證宜如何火速前來乃一去十年置以平之祖墳已賣之庄基於不顧自去年四月到此並未復控一次今年六月二十九日具稟又不言紅契有無直待本縣批究取契之事始將此紙粘呈卷查原稟稱道光十七年買地而此契係道光十四年所立一不合原稟稱有地一畝庄房六間而契內寫明庄房一院地四分七釐草瓦房十間二不合原稟稱道光十七年產覓麻德林看墳種地而契內又書麻起太之名三不合爾自稱是直隸人

與小雁塔爭地一案。又稱是山東人。四不合。光緒九年告狀者是陳建業。據稱是爾胞兄。其年爾兄三十五歲。今年爾四十四歲。胞弟兄同庚而生。豈孿生耶。五不合。查爾此次到陝。又踰一年。別無恒業。專務訟事。情同無賴。跡類游民。其是否姓陳。及此契從何處得來。均屬無從查考。爾既從家中取來鐵證。何以遲延一年有餘。始行呈控。自九年至今。爾家祖墳。託誰祭掃。麥祖二石。何人經收。爾自稱從九。應將執照呈驗。何以永遠在此浪蕩。不去做官。爾從前稟稱。爾表兄孔申芝。圖辦一百串。寫信給麻德林。持赴漢中。求爾嫂嫂等語。孔申芝現在何處。爾嫂子又在何處。著照批內駁語各層。一稟覆。併將捐照呈驗。本縣堂前。著不得一毫欺罔。如敢無故訛賴。定當答督遞籍。凜之。

批張興盛呈詞

此案蔓訟六年。過堂二十餘次。牛篤信應還爾之一千六百餘金。袁德茂之六百金。分釐未償。查閱全卷。牛篤信即牛映宿。為糧憲門丁楊夢珍之妹婿。領其內兄之本開設敬信行店。於光緒十二年。陸續借用爾等銀兩。本利無償。隨即閉門倒帳。而牛映宿受楊姓指嗾。先發制人。竟以謀業唆逃等情。控張袁二人到案。查牛姓所開一過載行耳房。非己房貨。皆客貨。何物可抵。何業可謀。袁張二家以二千二百餘金之血本。寄命於人。不願其開鋪還錢。而反利其停門構訟。世間有此渾蟲乎。有此怪事乎。案懸六年。官經四任。大抵以楊姓為無干。予牛姓以寬限。夫楊姓豈真無干者哉。查楊姓素稱敬信。行係伊即舅合本生理。因牛姓用人不當。言明分晰。利害與楊無干。持有葛藤字樣。此特事後之言耳。牛以至威領本。借糧署之勢。以抗張袁。安得不聽其內兄指使。如果楊夢珍已經分夥。利害無干。何以敬信招牌。依然未換。在張袁等債主之言。誠難偏聽。查十三年閏四月間。牛映宿控詞。



亦謂楊夢珍以貴東而兼至戚坐視其日受逼迫堅置不理懇請添質等情是牛姓先以內兄為可恃聽其指使力為開除及其後債由伊還害歸伊受而楊姓轉道遯事外則又意不能平力求添質此案中之實情也各前縣不問情由惟於楊姓則開脫之於牛姓則寬限之帳債當還者不還情節應究者不究推原其故皆由歷任世故太深寧使商人之債無償不令憲署之人受比獨不思訟累六年血本二千任其推抗拖延彼楊姓者固付之不問而於牛姓之昧良枉控抗陷吞肥前後數十堂曾未呵斥一言敲朴一板查閱前後讞詞幾於千篇一律可恨也亦可歎也本縣於此等案件愈巧譎者愈吃虧愈挺抗者愈挨打勿謂帳債事小商人以財為命抗其錢即不啻奪其命矣惟有嚴究重責以絕訟蔓楊夢珍牛映宿著一併逮案聽究該二人如果見機早早說話了事是伊之福也否則若輩妍皮脆骨能當本縣刑杖耶凜之凜之

批鄭新有呈詞

爾子投井身死業經數日爾昨始來案喊控命爾補呈輒又私回說合今因錢少覆控請驗試問三伏炎天爾昨日喊稱已經五日又不具呈請批復隔一日始來屍身不知作何形狀死者係爾親子有冤則伸雖萬金不易也無冤則殮雖一刻不停也乃任其腐臭恣爾欺訛似此居心先應痛責候驗明分別懲處

批陶致邦呈詞

胡說八道爾之妻女不聽爾言反要本縣喚案開導若人人效尤本縣每日不勝其煩矣不准。

批張書紳呈詞



前已具結何又翻異且所稟各情俱屬過火總而言之前日之舊甲不公今日之新甲不怨欲絕蔓訟非幫錢不可本縣前堂斷令每糧一石幫銅錢一串文至公無私而猶已結復悔其中必有挾私圖利扛幫唆使之人試問咸寧六十六里六百數十餘甲如果受害不堪即應一齊另編新籍何以僅立二十四甲而止足見受害之說大半子虛況爾係狄寨一甲之民乃敢招致七九等甲同入新一甲之內紊亂甲規莫此為甚查長安創興此事乃紳士挾里長之嫌縣官討紳士之好冒昧舉辨波及咸寧猶幸吾民安分者多喜事者少舍舊謀新者十成中尚不及半成而爾等屢次過堂於詞窮理屈具結完案之後又復受唆翻異實屬可恨已極此案現經本縣通稟列憲請示飭遵俟奉批之日再行剴切出示諭飭新舊各甲一體遵照可也

批翟先登呈詞

爾與蔣善述一波甫平一波又起循環報復詎有了期不准

批王連陞稟詞

爾主往渭南自應由寓所長行何以一出東門即行投店主僕兩人甫行出城旋又進城衣箱行李寄放店中但令關鎖門戶並未開箱點交及次日出城忽稱箱中失物究竟箱中有物與否誰知之而誰見之者昨據該店主趙振安以平空訛詐等情控爾主到案本縣念方姓係學幕之人不忍壞其聲明批飭未准今乃一再瀆稟竟以毫無證據之事欲令該店賠償試問店主上堂本縣能據爾一面之詞嚴刑考訊乎總之爾主既為幕友諒不致平白誣訛惟箱中衣物究竟於何時失去想爾主自己亦不清楚據稱本縣為一縣之主大小案件仰其判斷此案經本縣判定店家無盜竊之實

據爾主有異常之疎忽著即縮頸斂跡勿再冤枉好人致干提究此飭

批店家吳三益稟

頃據本縣及保甲局迭次勘驗該武弁戴富德所稱被竊一案毫無來踪去跡情形實屬可疑謂爾店盜固不忍誣及良民謂該弁圖訛亦未便待以不肖姑候飭差訪緝可也

批許嗣慎稟詞

昨已堂諭該局總請同邑中公正紳耆清算局帳惟毓坤以革監出頭混鬧刁風決不可長現擬另案究辦爾許嗣慎等前保徐毓坤篤志理學潛心性命已屬一言不智試問天下有理學訟棍乎此次稟懇入局算帳顯係為徐毓坤報復本縣業已諭飭延請老成碩望如孫陳兩紳者查算稟復爾等平日是否公正本縣無從得知但觀人於黨爾等為徐毓坤之黨本縣豈能深信况嗣慎身為家長謝柱一案深為許氏門戶之累該貢生何不先齊其家而顧與人局事乎本縣在此做官一切公事自有權衡勿庸爾等瀆請不准併飭

批薛榮呈詞

據稱爾胞弟薛林桂前遞稟詞係麻萬貴刁唆所致經爾管教已經認錯等語何以本日復據爾胞弟以辱毆謀害等情覆控王炳等到案核與爾呈大相矛盾昔人詩云南枝向暖北枝寒兄也難時弟也難其爾等之謂歟畢竟為何兩歧仰爾兄弟二人一同明白稟覆候奪

批王悅仁呈詞

所呈混帳已極爾子王福來於五月初一日被竊賊劉犯兒用刀戳傷不請驗究輒復私和迄今四

個半月爾妻復往尋催看傷致被凶毆查爾從前不應和而今又不應催而催和者圖得錢也催者又想得錢也似爾顛倒貪惜呈詞又荒穢已極本不當准姑候驗傷併究

批魏玉印呈詞

單金德係爾胞妹親生長子前據爾妹單魏氏以凶欺毆罵等情首送前來准予差拘去後旋據去役稟稱七月二十四日將單金德捉獲出門被閭水渠糾同韓居居等毆差奪犯似此悖逆不法死有餘辜爾既身為母舅又係耆民地方出此凶人理應送官懲治以除一鄉之害乃於爾妹氣愜身亡以後忍心害理加以平素苛刻之名轉謂前已了事原差仍行稟拘以致撕毆據爾說來單魏氏不該首子韓居居等應該毆差似爾老詩糊塗可笑可氣試問既已叩頭了事何以不來縣銷案爾妹已死其子孝與不孝有誰對證單金德韓居居罪不容誅仰原差於三日內嚴拘送案如敢延逾責革不貸

批王宗秩稟詞

據稟該紳等會算里民局帳月總年總均無弊端並稱徐毓坤年老昏憤情尚可原懇祈從實銷案各等語此案首先滋鬧者為徐毓坤嗣後貢生武舉及許多童生一齊侈口妄談都願入局算帳地方公事若如此漫無規矩尚復成何事體是以本縣批令敦請老成碩望入局清查來稟云云自屬可信惟徐毓坤等妄控於前難保不滋事於後是此時解縛之獸即將來反噬之人該紳等不可不念也本縣在此若輩誠無能為受代以後萬一冷灰復焰必指該紳等為黨惡為徇私而疑謗在所不計即如里局帳目不准童生武舉查算此大體宜然也凡稟控者總以局用過侈為詞殊不知局

總莫非紳衿捨其本身生計而來任局事不惟任勞且將任怨而又持之過急必使不名一錢此亦不近人情矣然妄言不足聽多言亦可畏即如鄉間有事進城者在里局住宿烟茶酒飯成年累月款待幾無了期此果何為也乎該紳等既身與其事仰即公同核議重釐局規凡有局外之人入局住宿者概勿容留或局總親友借住數日情不可却者其飯食一切由局總自行捐備不得開銷公款如此則款無糜費人無間言萬一有老而無恥如徐毓坤王臨莊等輩者局總礙於情面不能起發不妨密稟本縣嚴行驅逐至徐毓坤以健訟被革之人此次又無知妄控法所難容姑念該紳等代為乞恩從寬斷令繳出己革監照銷去僧生名目出具永不滋事永不進里局切結仍不准充當糧正俟結照交案後再由該紳等保釋以示小懲大誡之意即仰該紳等妥議具覆可也

批陳作霖懇詞

張明福孽由自作死不足惜况板倉不至死耶唐瑞琳年未弱冠而渠恣行離間糾人細毆萬一氣絕則曰其母實斃之我不與焉似此凶殘淫險之尤本縣前日恨不立斃杖下以快人心茲該生代為討情生乃義學之師也先生講情無不准之理前已斷定張明福夫婦不准與唐劉氏往來如再前往准唐瑞琪兄弟細送諒不至再蹈前轍惟遽行釋放究嫌罪重罰輕往者鄭永義告楊玉成一案張明福曾為居間此案至今未了而楊玉成在押病重不能不保外調治而鄭永義欠款未清勢必仍來懇控今令張明福向鄭永義擔保還錢一面催楊玉成變產還債若鄭姓再向本縣催案本縣即提張明福即張良卿比追以示薄懲仰該生傳諭張明福遵照辦理具結存案即予釋放可也

批張星煥呈詞



據稱爾鯨居求耦石廷璧竊爾簿有蓄積詭媒賺騙等語爾既出錢娶婦自應打聽確實何竟聽一面之詞傾囊相付自春徂秋屢稱該婦病重阻婚爾亦可以悟矣乃猶將石廷璧殷勤款待奉之如祖考神明直至七月以後廷璧之妻吐露真言爾始恍然大悟不但絕無其事抑且並無其人世間老婆心切如爾之發昏者蓋亦鮮矣其痴呆也可笑其被騙也可憐惟交錢既乏中人議婚別無媒妁詞內要證惟廷璧之妻一人試問夫為被告妻為中證豈肯背夫向爾是爾不但妻房無著銀子為有並官司也打不成本縣實代為著急之至此稟不准另稟候奪

批張全魁呈詞

牛發祥指地借錢輒又抗償謀騙如果屬實伊真不是東西但爾山西祖業豈能輕聽牛發祥之言遽行毀賣如果屬實爾先不是東西候喚案訊究

批耶李氏呈詞

地乃爾之地何以耶文慶耶學道要奪就奪嗣子乃爾之子何以伊等要繼使繼不准繼便不准繼所呈故甚其詞希圖聳聽殊不足憑姑候喚訊察奪

批生貞梁培麟等呈詞

據呈單魏氏首子不孝係屬瘋狂發迷所致如果屬實該氏生前首告之初爾等何不來案分晰直待死無對證之後一則謂其素性苛刻再則謂其癩症發狂無憑無據隨意捏造無非單金德母死畏罪花錢買息爾等死無出息甘為不肖之畜類作護法而誣其已死之母為不應首送已屬毫無大理而愈出愈奇者竟以單魏氏之死為差役半夜拿人驚嚇所致胆敢詰問本縣單金德母死是

誰之過試問母送逆子本縣若不拘訊是教人不孝也差役拿獲逆子而韓水渠等糾衆毆差此若不究將來謀反不難矣曹成等被毆稟案稱單魏氏切知可證是該氏倚公差以制逆子顯然可見而爾等窺單魏氏已死竟敢坐差役以釀命之罪而隱然加本縣以縱差之名似此胆大糊塗而且事不干己出頭妄稟此等秀才童生均屬名教罪人著一併管押待質所仍嚴拘單金德韓居居到案訊明該生等有無受賄庇縱情事分別責懲以儆狂謬此飭

批雷昌五稟詞

俗語云欠債還錢又云父債子還乃是一定之理胡宅與該職均係衣冠士族何忍構訟公庭况借錢現有原中首縣豈無局面胡大令甫從長安交卸胡公子旋被咸寧稟傳此本縣所不忍也乃屢次傳語速爲了結毫為不動必欲批示縣門此又本縣所不解也此稟呈遞兩旬勢難再閱為此批仰該職尋同原中謝寶珊王玉階前往理討好話多說有錢還錢無錢以衣物公評價值抵還欠項庶役者不欠來生之債存者無傷現在之顏如其置若罔聞則本縣將有不得已之舉知之

批賀天佑呈詞

爾故父乃詹事府主簿平日與優伶來往將值銀二百兩之厨櫃慨然借給唱戲之朱全榮使用已屬非是爾以讀書人跑到唱戲的家裏坐索此櫃尤為不自尊重揆厥事情必係爾父生前愛朱全榮要錢就錢要櫃就櫃給與也非借也爾於爾父死後突然向索已捨之物朱全榮自然不給爾即仗主簿少爺之勢控告優伶試問爾以少爺與戲子跪堂有何體面似此沒出息的东西若是我

的學生定將爾重責十板不准併飭

批賀天佑稟詞

據稱爾父該傳姓之債託朱全榮賣櫃清償伊騙櫃到手不賣不還以致傳姓欠款至今未償果如所言何以早不控究戲子色衰代售古董少爺情急亂打官司瑣屑離奇之案都出在本縣任內愈駁愈控不准不休姑候飭差協約查明理處具覆勿庸喚訊

批馬玉德等稟詞

據控該紳等管理倉務已十餘年現今年老力衰懇祈辭退自應俯如所請以均勞逸但倉紳倉正共有四人無一齊更換之理應於今年換二人以恤衰年留二人以資熟手俟明年此時再將所留之二人更換則勞逸既均公事亦有頭緒現據公舉安人接充前來即著王元鑑補馬玉德之缺陳銘西補王益武之缺其舊紳劉長春馬心成仍留辦公一年至明年冬再交常兆麟杜代言接管現值各憲委查義倉如果查有虧短仍惟舊紳是問仰候給諭接充可也

批保甲局紳趙元中稟詞

稟單均悉查錢鋪倒閉大為民害始於害人終於害己併貽害於地方官是以本兩縣於八月間諭飭各錢行取具十家連環保結方准出絡而事經兩月各該錢行各不相信不肯互保每一錢鋪僅取分行二三家保狀呈案仍是有名無實茲據稟稱請飭咸長各當商公湊資本設立錢局公議妥人專司鋪事各當商逐年輪管稽查所擬章程十四條亦俱周妥惟稱所有大小錢鋪年限半年收回私出之票本兩縣以為不必大凡持銀換絡者孰不趨其所信而避其所疑公局由當商湊本由兩縣稟明層憲特開無論智愚誰不以為可靠至現行各絡不在各鋪之收不收但視民間之信不

信。如果愚民百姓不畏倒閉向具換錢以至關門逃逸乃是伊戚自貽何與人事。俟公局開定後由本兩縣通詳立案。徧諭居民告以換錢惟公局為最要其餘外絡如果貪圖小利持銀易換遇有倒閉仍是自討苦吃本兩縣概不究追如此則公局生意不招而自至矣何必禁人出票限人收票自貽龍斷之譏乎。況公局之設不嫌其獨立亦不厭其同開此時兩縣當商公開一局可也各開一局亦可也其現在各錢鋪如果十家八家共湊資本出具互結稟縣立案亦准其公設一局以昭平允抑更有宜防者凡獨門生意最患把持公局既然可靠未免奇貨可居譬如外絡每銀一兩換錢三串二者此則僅換三串則仍是百姓吃虧此亦不可不慮也既開之後務須按照市估公平交易人換若干我亦換若干方足以信於民而行於遠再查從前咸長公局開設之日各外絡仍復通行今若勒令各鋪收回已出之票勢必廣集取錢一旦措手不及倒閉不知凡幾是欲除其害反速其殃也本兩縣所見如此該紳如有未申之意不妨往復熟籌期於無弊而後已總之事在必行法期盡善除俟定期傳喚兩縣當商到案面諭外特此批示知之

批廩生劉德濬稟詞

該生與段萬鎰因房屋興訟各說各話原中邢大雅等俱已故絕無存無可質證前堂就案斷案據該生自言於光緒十年寫立租字入宅認租每月房錢二串當交押租錢六十串嗣因房屋滲漏房主不肯修理該生僅給四月房租合錢八串而止歷年自行修理費錢十七串有奇是該生先後居住八年有餘僅持出錢八十餘串以租券所開每月二串計之短其一半本縣斷令該生交房段萬鎰即將押租六十串抵作租錢不准再向該生索欠又念現當歲晚冰雪在地准該生於明年二月



底賸交亦可謂體恤之至茲閱來稟猶謂段萬鎰官司得勝本縣實不解勝在何處也至稱萬鎰下堂後其子段羣兒向該生詈罵該生引為大辱竟欲披髮入山本縣素敬該生以為有學問有涵養不意德室工夫猶尚不足夫段萬鎰之子一小狗耳今有衰衣博帶之人雍容過市突被一小狗狂吠亂咬君子遇之去之可也勇士遇之打之可也若因狗咬而遂欲披髮入山幾幾有不可為人之勢本縣未之前聞該生既以本縣為好官即應聽本縣之好話孔子曰擇不處仁焉得智孟子曰又何難焉該生服膺聖訓但當反己不必怨人惟段小狗竟敢在本縣大堂詈辱斯文法難寬貸仰原差押令段氏父子往劉先生處賠禮認非如違帶案重責

批潘悅有呈詞

爾以女許人竟不知女婿之姓忽稱關老二忽改張老二昏憤糊塗至於此極民間有此昏蟲本署豈有此案卷所懇更正立案之處應不准行。

批王宗秩稟詞

稟摺均悉據稱近年以來各里里書借徵信冊為名所有易知由單不散於開比而散於年終現由該紳等擬定規條請示遵辦等語查由單之設所以使大小花戶咸曉然於糧數之多少不受額外苛索若納糧而後給單是全失立法之本意況由單與徵信冊絕不相涉由單專為納糧徵信冊傳訴欠糧一發於開徵之前一造於停徵以後何得兩相牽扯故事稽延所稟各條並皆洞悉病源周密妥善准如所議立案一面分別示諭各該里書里長糧正糧差及花戶等務去積弊咸與維新仍候稟明列憲施行摺存。